

“Ling ling ling.....”
Roengzdangz lo, Cangh lauxsae siengj dawz gij cozyez hagseng ban de bae fat hawj daihgya, ngamq byaij daengz bakdou bangunhsiz, couh cadi caeuq boux hagseng iq ndeu doxbungq. Cangh lauxsae baez doeksaek yat, bengda sijsaeq yawj, cij raen boux hagseng iq neix vuet raemxdaeyswdsd.

“Lauxsae, gou ngaiz boux roek nienzgaep ndeu dawz aeu cienz, lij ngaiz de moeb dem, w w w” Lij caengz caj Cangh lauxsae hai bak, de couh daeyswdsd gauq vah bauqsoq lo.

“Mwngz dwg ban lawz? Coh heuh gijmaz, vihmaz ngaiz de moeb ni? Menhmenh lwnh gou nyi.” Yawj boux hagseng iq neix daej baenz yiengh-neix, siengj daengz ndaw hagdangz fatseng cungj saeh neix, Cangh lauxsae gig hozndat, hix gig sim’ in boux hagseng iq neix, de daiq boux hagseng iq neix haeuj naj daiz-banhgoeng daeuj, cuengq dab cozyez roengz gwnzdaiz bae le cij sijsaeq dingq boux hagseng iq neix lwnhgangj.

“Gou dwg sam nienzgaep ngeih ban, heuh guh Vangz Siuh, haxbaenh ngamq roengzdangz, miz boux roek nienzgaep ndeu dajlahi naeuz gou yiemq de cib maenz ngaenz, haep gou boiz cienz hawj de. Gou naeuz gou mbouj caeuq de ciq cienz gvaq, de couh aeu gaemgienz moeb gou, w w w.....”

“Mwngz rox de youq ban lawz, heuh gijmaz coh lwi?” Yawj de daej baenzneix siengsim, Cangh lauxsae engq siengj sikhaek ra boux hangz vunz haenx daeuj lo.

Vangz Siuh baez raen miz vunz haeujsim gij saeh de, de ndawsim gamjdaengz miz muengh lo, sawqmwh singdaej engq hung lo. Yawj ndaej ok, seizneix de rox gig gwnvei.....

“Gou soqlaiz cungj mbouj roxnaj de, engq mbouj gamj caeuq de ciq ngaenz, seizneix, gou cij rox de dwg boux hagseng roek nienzgaep ndeu.” Vangz Siuh doq vut raemxda doq dap naeuz.

“Lauxsae, gou roxnaj de, gou bae heuh de daeuj neix, ndei lwi?” Miz boux hagseng youq henz caeuq Vangz Siuh nienzgeij ca mbouj geijlai ndeu singhung naeuz. Gijneix caen ndei ha, Cangh lauxsae sikhaek hawj de bae ra daeg hangz vunz aeu ngaenz haenx daeuj.

De ciengz bae gunghcangj, hag-dangz ngonczaz, ciepraen gij ganbu dingjrengz “cojgingj” bingdoihaenx caeuq gij daibyauj song baij, camgya hoihcomz vunz lai, iugouz gij cujciz gwzming vunz cungq song baij doxgiet hwnjdaej, lai gag bihbingz, mbouj ndaej hoenxdaeuq. Iugouz gij bingmax dingjrengz “cojgingj” haenx, gaej faenbaij faenbang, lai guh gij hong lienzhab, doxgiet vunz lai haenx. Iugouz gij goengdaeuz diegfueng, byawz gaenq ok danvih nei cix dauqbae danvih, gij ganbu miz mboujdoengz gvanhdenj haenx, raeuz aeu baujcingq gyoengqde ancienz, mboujcinj seizbienh saeujranz, gaeb vunz, dub vunz caeuq coujnae vunz.

De iugouz gij cujciz vunz cungq song baij siucawz baijsingq, aen danvih lawz song baij ndaej daih-lienzhab nei, de cix caeuq gij



Yaep ndeu, cij raen boux hagseng haenx bouxdog buet dauqma, de baegfofo coh Cangh lauxsae naeuz: “Lauxsae, gou heuh mbouj ndaej de, baenzlawz heuh de cungj mbouj haengj daeuj.”

Cangh lauxsae haenh boux hagseng neix naeuz: “Mwngz baenz iq cungj gamj bae heuh bouxhung, caen dwg boux simndei ndeu, engq dwg boux daihdamj ndeu. Yienghneix, mwngz daiq gou bae ra de ba.”

Daeg haenx raen Cangh lauxsae roengz laeuz le, couh miz di simvueng lo, de siengj buet deuz, hoeng ngaiz geij boux hagseng youq henz haenx hemq dwk: “Couh dwg de lo! Gaej

siengj deuz bae lo!”

Daeg neix baez doeksaet yat, couh dingz din roengzdaeuj, ngaem gyauej dinghdingh ndwn dwk. Caj Cangh lauxsae byaij daengz dangqnaj de, de aenda baenqlulu, lumj yaek siengj gangj saeh gijmaz nei.

“Ndaek vunzrwix mwngz lij ndwn youq neix ha? Mbouj vaiq di gvaqdaeuj yiengq lauxsae nyinh-loek?” Lij caengz caj Cangh lauxsae hai bak gangj vah, boux hagseng haxbaenh bae heuh mbouj ndaej de haenx gyaegya couh hujdengdeng hat naeuz, gwnz naj lij miz di daekeiq dem.

Seizhaenx miz haujlai hagseng comz gvaqdaeuj yawj nauhyied, boux-

boux cungj mwngz coenz gou coenz lwnhsubsub hwnjdaej.....cungj yawj Cangh lauxsae baenzlaw cawqceq saeh neix. Ndawde miz haujlai boux vanzlij caengz hozroengz dem——yawj daeuj, daeg neix caen mbouj dwg boux ndei gyawz bae bw.

“Mwngz dwg ban lawz? Heuh gijmaz coh?” Cangh lauxsae cam de.

“Gou dwg roek sam ban, heuh guh Lij Gyangz. Lauxsae, mwngz daiq de daeuj neix, caen ndei lai lo, gou muengh mwngz bang gou heuh de boiz cienz gou bw! Hehe.....” Lij Gyangz doiqda baenqlulu gangj naeuz. De laihnauz Cangh lauxsae lumj mbouj miz saek di beizheiq nei, couh hihi haha caeuq Cangh lauxsae doq gangj doq riu hwnjdaej.

“W, mwngz caen coengmingz! Gou couh dwg daeuj bang mwngz gaijgez vwndiz lo!” Cangh lauxsae riunyumnyum dwk han naeuz.

“Hoeng, miz aen diuzgen ndeu, mwngz itdingh dapwngq gou cijndaej bw!” Cangh lauxsae naeuz.

“W! Gou itdingh guh daengz! Docih lauxsae!” Lij Gyangz lumj ra ndaej boux baengh ndeu nei, gig hingzsaenz.

Seizneix, gyoengq hagseng cungj yawj Cangh lauxsae, geizheih dangq-maz. Vangz Siuh yawjyawj Cangh lauxsae, raemxda rim gvaengzda, youh siengj daej hwnjdaej lo.....

(caengz sat)

(ciep geiz gonq)

Bya youz raemx doh giz
Rumz ci ndoengfaex yiengj
Sevei cien fanh yiengh
Gaq giuzliengz bingzdaengj

Dujduj va doengz rang
Gogo sang doxdaengh
Bouxbox vunz bingzdaengj
Doxbaengh buet siujgangj

Haujlai aen guekgya
Haenh Cunghvaz yinzminz
Neix dizcang goengcingq
Ndaej raeuj sim lwgminz

Fanj fujbai souvei
Banh saeh ndaej goengbingz
Goeng sei ndaej faencing
Goengcingq daeuj banh saeh

Dangj Lumj Aen Daengngoenz

党像红太阳

□Veiz Vwngzauh/韦文高

Cauh ruz baengh gaiqvad
Ndaem mak baengh guenjieix
Ceih guek baengh fapceih
Seivei ndaej daizbingz

Fapceih lumj aendaeng
Ciuq raen laeng raen naj
Ceih guek miz canghfaz
Gwnzlaj ndaej onningz

Bi daengz sam nyied sam
Eu fwen danq mbouj caez
Fwen danq guekcoj ndei
Mbwn lamz deih engq cingx

Roeg baengh fwed ndaej mbin
Max baengh din buet vaiq
Raeuz gingyez fatcaiz
Cienz haeux lai bienq fouq

Ranznden baengzyoux ndei
Gou bae mwngz youh daeuj
Ndaej hoengq caez sailaeuj
Bang hong mbouj gangj cienz

Boux vih boux caez ngeix
Miz saeh caez doxbang
Ciuhvunz sim mbouj sanq
Baengzyoux dangq vunzranz

(sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangisii Cioz Siengzcoub Liuz Gingliuj Cioz Siengzzen boiz

goengdaeuz cujsaeq bwhguh wng caez bae angqhoh, dingjrengz gyoengqde.

Miz mbangj diegfueng youh dauqcungz hoenxdaeuq, luenh gangj vunzsienh, dingjicung bingdoiha, ciengjduet cungqbauq, Veiz Gozcingh gig yousim gij saeh neix. Miz baez ndeu cujsaeq bwhguh hai baez hoih dingq gyoebblwnh cingzgvang swng-hcanj ndeu, miz vunz bauqnaeuz, dieg ndeu youh luenh gaj vunz lo. Veiz

Gozcingh hozndat raixcaix, de naeuz: “Loengh gijmaz fangz ne, gaenq fat haujlai vwnzgen roengzbae gvaq, lij ceihsingh mbouj ndaej?” De heuh misuh Yangz Cunghdangz ra gij vwnzgen doenghbaez fat roengzbae haenx okdaeuj, youq gwnz hoih doeg le gij biudaez caeuq ngoenzgeiz roengzfai. Ciuq gij eiqsei de, cujsaeq bwhguh caeuq Gvangjsih Ginhgih youh doxgap fat le aen doengcei

ceihdingz luenh gaj vunz ndeu. Ciuq gyonjgeiq, daj bi 1967 ndwen 11 laebbaenz Cujsaeq Bwhguh Gwzming Guengjsae le daengz bi 1968 ndwen 6, 7 ndwen neix cujsaeq bwhguh caeuq Gvangjsih Ginhgih couh doxgap fat le 13 aen vwnzgen gvendaengz ceihdingz luenh gaj vunz, luenh gaeb vunz caeuq ceihdingz hoenxdaeuq, ceihdingz ciengjduet cungqbauq yinzminz gaij-fangginh haenx.

(caengz sat)